

Sibthorp, John ; Smith, James Edward [Editor]: Flora Graeca, sive plantarum rariorum historia, quas in provinciis aut insulis Graecis legit, investigavit et depingi curavit John Sibthorp: hic illic etiam insertae sunt pauculae species quas vir idem clarissimus, Graeciam versus navigans, in itinere, praesertim apud Italiam et Siciliam, invenit (Voluminis quinti- Fasciculus primus): Vol. V.

London, 1825

Seite 43

DECANDRIA TRIGYNIA.

9

tus virescentibus, vel, e Cupani auctoritate, rubicundis. *Receptaculum proprium*, nec non *stamina et pistilla*, ferè præcedentis, at majora. *Capsulam* nondum vidi.

a. Calyx cum bracteis.

b. Petalum infernè.

c. Idem supernè.

d. Stamina cum pistillo, receptaculo insidentia.

e. Pistillum seorsim.

TABULA 412.

SILENE CERASTOIDES.

SILENE hirsuta, ramis subspicatis subdichotomis, petalis emarginatis; appendiculis quadridentatis, capsulâ ovato-subrotundâ erectâ.

S. cerastoides. *Linn. Sp. Pl.* 596. *Willden. Sp. Pl.* v. 2. 693. *Ait. Hort. Kew. ed. 2.* v. 3. 88.

S. rigidula. *Linn. Amœn. Acad.* v. 4. 313.

Viscago cerastei foliis, vasculis erectis sessilibus. *Dill. Elth.* 416. t. 309. f. 397.

In Asiâ minore. ○.

*Radix* annua, parva, gracilis. *Herba* undique piloso-scabra, viscida, tristè virens. *Caulis* e basi ad apicem ramosus, foliosus, teres, spithamæus, patens; ramis oppositis, subdichotomis, apice spicato-racemosis, multifloris. *Folia* lineari-lanceolata, acuta, integerrima, uninervia, vix petiolata; basi levitè connata, ciliata. *Flores* erecti, parvi, rosei; inferiores plerumque e dichotomiâ caulis, evidentius pedunculati. *Calyx* ovatus, pilosus, angulis decem viridibus. *Petalorum unguis* cuneato-lineares, albi, *appendiculis* acutè quadrifidis; *laminae* lineari-oblongæ, apice emarginato-obcordatæ. *Stamina* paululùm exserta, filiformia, glabra, *antheris* rubris. *Receptaculum proprium* longitudine germinis. *Capsula* receptaculo triplè longior, ovata, vel subrotunda, lævis, ore sexdentata. *Semina* reniformia, corrugata, nigra.

a. Calyx.

B. Petalum auctum.

c. Stamina et pistillum, cum receptaculo proprio.

d. Calyx fructus.

e. Capsula receptaculo elevata.

f. F. Semen.

TABULA 413.

SILENE DICHOTOMA.

SILENE petalis bipartitis angustatis nudiusculis, caule dichotomo racemoso folisque villosis.

S. dichotoma. *Ehrh. Beitr.* v. 7. 143. *Pl. Select.* 65. *Willden. Sp. Pl.* v. 2. 699.

S. trinervis. *Soland. in Russell's Aleppo, ed. 2.* 252.

In insulâ Cretâ, et circa montem Olympum Bithynum; etiam, ni fallor, prope Thessalonicam legit Sibthorp. ♂.

VOL. V.

D